

0377. 017

AWIG - AWIG DESA ADAT
TEBEBOLONG, TEMBUKU KAJA

Om Awignamastu.

Krama Desa Adat Tebebolong Tembuku Kaja, Wawidangan Perbekelan - Tembuku, Kecamatan Takabuku, Kabupaten Daerah Tk. II Bangli, duk Paruman ring rahina Anggara Kliwon Wara Medangia, Titi pangolong ping pitu. Iqaka warsa 1906 (tanggal masohi 12-2-1985) Gilik segulung saka susurana nga - manggehang Awig - Awig kadi inuwap ring sor :

SARA CITTA

Desane mula wantah pawakan panyurban krama Desa, rawahing kulawar - ga pawonganNya ; Manut Dresta, Desane keanggehang Bhuana Agung, PawonganNya soang-soang pinaka Bhuana Alit. Adung patomian Bhuana Kulih larapan santa - jagathita, sinanggehang mardaning prayojana pangriptaning Awig - Awig.

Sotaning Bhuana Agung, Desane wantah pawakan Bhawa Masrip, jangkep saka tri hita karamaNya luire :

1. PARAHYANGAN : Sehanan Kahyangan panyiwian Desane, genah ngarcana Hyang, maha atman Desane.
2. PALEMAHAN : Tanah pakuwuban saka dagingnya sinanggehang angga sarira ta- wulan Desane.
3. PANONGAN : Warga Desane sami, pawakan tri kaya, awanan Desane bina - molah me prawrthi.

Sejaba Dresta inuwap, pamakas Panoasila, UUD.1945 miwah sehanan po - raturan-peraturan Negara RI. tan maren manggehang kainggilan, tan wenang kalem panin antuk Awig - Awig puniki.

SARGA I.

Pawos 1.

ARAN LAN WAWIDANGAN DESA

1. Desa Adat puniki mewasta Desa Adat Tebebolong Tembuku Kaja.
2. Wates-wates jebar kakuwuban wawidanganNya nyatur Desa :
 - a. Sisih Wetan/bedangine - Tukad Bubuh.
 - b. Sisih Kidul/bedelode - Banjar Tembuku Bakas/Kawan.
 - c. Sisih Kulon/bedahe - Tukad Dari.
 - d. Sisih lor /bedajane - Banjar Panida Kelod.
3. Wawidangan palemahan Desane kawangun wantah tunggal desa.

Pawos 2.

1. Kakuwub wawidangan Desane manut dresta luire :
 - a. Papupulan karang paumahan, sinanggehang palemahan desa pakraman.
 - b. Sotra, Carik miwah tegal ring kakuwub wawidangan desane sejaba - ning palemahane, sinanggehang telajakan Desa.

2. Krama sane sampun kesah wiadin keles saking desa Adat Tebebolong Tembuku Raja, yening malih rawuh mawali dadan Warga Desa Adat inuap ring ajeng Warga inuap kanin pentaub manut daging parus, katur ritatkala wali Purnama kelima maduluran banten pejati.
3. Krama sane sampun kesah wiadin keles saking Desa Adat Tebebolong Tembuku Raja makawanten ipun mawali marupa sawo wiadin watangan, kulawarga inuap kanin batu-batu marupa jinah bolong manut daging parus katur ritatkala pamarutan nija anggara Kelihon, turmaning warga inuap polih patedunan, nanging nenten polih patih.

Pawos : 9.

1. Sehanan warga desa sane sampun anom wiadin truni kapupulan ring soka desa Truni.
2. Setelhe inuap taler patut ngayah tur kawastuning ayah desa truni wiadin rejang beris.
3. Wargane sane sinanggeh anom mebaten usia 15 (limolas tahun wiadin sampun antes ngayah).
4. Warga desa sane sampun anom, maginah ring dura desa Adat Tebebolong Tembuku Raja, nenten maresidayang ngayahang patedunan warga inuap kanin panekel marupa jinah kertas Rp.1.000,- sajeroning amasa (1 tahun), katur ritatkala Wali Purnama Kelima.

Pawos : 10.

TATAGENAN WARGA DESA

1. Patut satinit ring daging Awig-Awig, Pasuara, miwah sehanan pamitus pararem desa.
2. Keni ayah manut dudonan, miwah papeson sejangkepnyane.

Pawos : 11.

1. Sehanan warga desa patut :
 - a. Tan maron ngutsidayang mangde desane preside nyujur manut petitis.
 - b. Matak panes tle kartin desane.
- (2) Wong desa sane sinanggeh tamu :
 - a. Patut tinut ring tatindak desane nganinin indik ngupadi kasukertan desane sekala-niskala.
 - b. Tan tungkas ring sepemargin kartin desane.
 - c. Sapasira ngeraksa wiadin kearawuhin tamu mangde ngokas ring Bendesa Adat turring Kelian Dines.

Pawos : 12.

PETIAS UTAWI ULIH-ULIHAN WARGA DESANE.

1. Polih pasayuban ngemanggehang kasukertan iraga, Agama suha druwelnya seung - nong.
2. Polih pengayoman Bendesa Adat miwah prajuru manut dresta, nganinin :
 - a. Sangaskara kauripanNya sane mabuat, sane mustikayang sulur pakule - wargan.
 - b. Pasukertan miwah kasuoian angge

- b. Kasukortan miwah kawacian angga, Parhyangan miwah karangnyane soang-soang.
 - c. Kawukortan druwahya soang-soang.
 - d. Kabawasin tur polih penyepas wicarahnya.
3. Ngarengan Paruman Desa taha wewang ngendageng adnyanan karsa miwah manikayang pamitna.
4. Kengin mapuangkid, (ngidih), nyada, nekel, luput, manut kadi inuap ring sor :
- a. Mapuangkid, purdina mayadnya, wiadin makarya benten seoroh, ngangkener.
 - b. Ngidih, : Pradene sakit, pialangan diraga, mapan sakit. (nangang tan keni danda).
 - c. Nyada : pradene, sampun manusa 75 taun, utawi kirang yaning sakit-saditna. Bang Nyada kakoroh sundul antuk kalewarga sane sampun marabi, (Krama suka-duka). Krama desa sane ayah marep kengin nyada, yaning sampun wenten okannya marabi wiadin pamotonan sane jaga ngantosin ayah arep inuap.
 - d. Nekel : Pradene tan nyidnyang ngayah saantukan lunga ngarereh pangupa jiwa kadura desa, sane baluangkep/teruna-teruni.
 - e. Luput : Bukaan loluputan luir ipun :
 - Luput ayah.
 - Luput arta brana.
 - luput papeson, turmaning sane kapatutang.

① Krama Desa Adat Tebebolong Tembuku Kaja, ngemargiang luput ayah yaning wenten krama dandang :
 Sakit tanunan, Coda angga bas raat, kawelas asih (anak alit ubuh), yan anak alit ubuh pamargin luput ayah gementosnya wusan wiadin tamat ring S M P.
 luput sane lianan, soang-soang luput kemargiang manut dresta lan pararem.

Pamoca 13.

KAWIT DADOS KRAMA DESA.

1. Krama ayah ngarep ngawit nanggap karang desa.
2. Krama Suka - duka wiadin banjar ngawit arabi patut tedun ngayah sesampune asesi anasih pitung rano utawi 42 hari.
- ③ Abok neosen jumenek ring desa adat Tebebolong Tembuku Kaja, sangkaning darmana kalugra ngaranjing makrama suka-duka wiadin mebanjar Dalem, melarapan atur upanakai ring bendesa adat utawiprajura tur kesungkemin ring ajeng paruman Desa.

Pamoca 14.

WUSAN MEKRANA DESA

1. Meginguir linggih sakeng desa Adat Tebebolong Tembuku Kaja.
2. Kenoroyang antuk demane.
3.

3. Sulur nganoroyang luiripun :

- a. Padika wenten sudusan, minakadinya wenten ilikita, bukti miwah saksi.
 - b. Tan satitut ring piduduh Bendesa adat wiadin prajuru indik ngupat raga ngentosen solah prawarti.
 - c. Pamidanda nganoroyang inuwap katur ring Pemerintah.
 - d. Pemerintah menang nyapaah prade sida mawali adung.
4. Sang wasan mekrama tan wenten polih pah-pahan druwen desa.
 5. Sang wasan mekrama tan wenten polih pasayuban kasukertaan saha laire.
 6. Taning Sang wasan panika nanggap karang desa, kantsahang karang desa inu-
wap mangde wenten ngentosen ngayah.

== 000000 ==

INDIK PRAJURU

Pawos 15.

1. Desa adat puniki kaenterang olih Bendesa Adat miwah Prajuru.
2. Bendesa adat miwah prajuru, kaadegang molarapan pemilihan/papasekan.
3. Pemadegang Bendesa adat miwah prajuru mewates 8 (kutus) masa (tahun) ,
wasan panika yan kantung kasungkemin dados kapilih
4. Bendesa adat kasanggra oleh penyarikan - penyarikan sane kasenggah Prajuru.
5. Bendesa adat lan Prajuru seosan ngawit sakeng krama ayah marep.
6. Bendesa adat lan Prajuru-prajuru kantsahayang mangde uning sulur tata cara adat
Agama miwah rasan tatimbang, tan cedaangga/ceda budi utawi tan kapialang antuk
ugur-uger Pemerintah/Panegara R I.

Pawos 16.

SWADARMANING BENDESA ADAT LAN PRAJURU

1. Ngenterang Paruman - Paruman Desa.
2. Ngenterang lan pamargi nedaging awig-awig miwah pamutus.
3. Ngeraksa saha ngatur tata mangge harta barana druwen desa.
4. Muntun wiadin ngenterang krama rawuhing warganNya ngupadi kasukerta desa.
5. Muntun saha nyaksinin tata cara miwah sangsarakaning kahuripannyane sane
ngilitang sulur pakulewarga.
6. Mawosin kalih niwakang pamutus wicara patungkas nganinin indik daging awig-
awig desane.
7. Ngewakilin krama desa matemi bebawas ring sapasira ugi.
8. Miwah wane seosan manut dresta.

Pawos 17.

Patitis miwah ulih-ulihan Bendesa Adat lan Prajuru :

1. Laluputan nganin peson-peson, sajawaning harta barana.
2. Cenengan sehanan pahan ring desa.
3. Ulih-ulihan sane seosan manut paruman desa.

Pawon 18.

Bondesa Adat lan Prajuru adat kagentosin ritatkala :

1. Beda wiadin padem.
2. Kanoroyang / kausanang.
3. Sangkaning pinunasnya.
4. Pantika tutug pomadogan 8 masa (tahun).

Nganoroyang / ngusanang Bondesa Adat lan Prajuru mejalaran paruman maka pamatusing paruman desa.

Pawon 19.

INDIK PARUMAN

1. Bacakan paruman luire :

- a. Paruman Prajuru.
- b. Paruman Desa.
- c. Paruman Banjar Dalem (Suka-Duka)
- d. Paruman Roben Gong.
- e. Paruman Teruna - Teruni.

2. Sahanan paruman dados kemargiang/kaleksanayang yan sampun kerawuhin ring sang patut nyarengin bilih langkung ring atenga kehipun.
3. Sahanan pamitus katusahayang pisan melarapan antuk pekayunan gilik su-ara priuk sepanggul, bilih tan nyidayang, suarane sane makehan sinanggeh pamitus.
4. Pengaracana sedaging ring peparuman tan maren komanggalain antuk ida Penyarikan saha widi widana maruntutan cane.

Pawon 20.

Paruman desa patut kawentenang ngesasih ngangken rahina Anggara Keliwon. Ritatkala Parun Bondesa Adat lan Prajuru patut nyihnayang pemargi ngenterang desa pamakas sane nganin indik. :

1. Tuna luwih pakraman wiadin ayah-ayahan.
2. Pemargi, penelas miwah sulur harta-brana druwen desa.
3. Pemargi usaha-usaha desane sane mahuat.
4. Sahanan wicara tungkas ring daging awig-awig saha pamatusnya.
5. Daging pararem miwah suaran-pasuaru.
6. Rencana Bondesa Adat lan Prajuru melarapan usaha kerti yasan desane kapungkur.
7. Miwah sane siwos-sewosan.

Sahanan siaran kadi ring ajeng katite nin saha katiwakang pamitus antuk paruman desa. Pamitus paruman desa sinanggeh prarem sane ngawiwenang, nyolem putihang pamargin desane pinaka sepat siku-siku, patut katinutin antuk kra-ma miwah praajuru.

Pawos 21.

1. Paruman Prajuru kawentenang napkala manut kabuatannya.
2. Paruman Prajuru kadi inucap katuntun antuk Bendesa Adat.
3. Paruman Prajuru kalugra ngawijilang pasuara nganutin indik pamargin awig-awig.
4. Rencana usaha desa taler kawonangan saking paruman Prajuru.
5. Sehanan rencana bilih-bilih rencana perarem sane paoang nibakin tetegonan ping I Krama, tan wenang kelaksanayang sedurung wenten pikukuh paruman Desa.

INDIK KULKUL

Pawos 22.

1. Kulkul ring Desa Adat Tebebolong Tembuku Kaja wenten patpat luire :
 - a. Kulkul Desa Ayah arep, Wiadin Banjar suka duka (Dalem).
 - b. Kulkul Desa Istri.
 - c. Kulkul Roban Gong.
 - d. Kulkul Truna-Truni.
2. Kulkul Desa tan kelugra nepak, sedurung manut kadi daging awig-awig puniki
3. Tabuh tetepakan kulkul inucap pastika maseosan manut tatujon minokadi :
 - a. Tengeran upakara Yadnya miwah petedunan desa biasa sane sampun ko-
margiang pengarah.
 - b. Lelambatan duang tuludan.
 - c. Tengeran pawiwahan puput manut ada :
 - Bulus atuludan, maweweh tigang kelentungan.
 - d. Tengeran kawangdeang laksana pekaryan :
 - Tigang kelentungan.
 - e. Nyihnayang wenten warga desa kepelegandang, kemalingan :
 - Bulus duang tuludan.
 - f. Nyihnayang wenten warga desa keamuk, kebegal/baya pati :
 - Bulus atuludan.
 - g. Nyihnayang paoang ngaturang perahinan ring kahyangan :
 - Lelambatan solas kelentungan katepak ritatkala sere.

Pawos 23.

1. Kulkul Desa tan wenang katepak yan tan sangkaning pianduh Bendesa Adat lan Prajuru, sajawaning tengeran kapancabaya kadi inucap ring ajeng, tur katepak ring sang uning saha atur upekna sesampunnya.
2. Suaran kulkul tatengeran paoang mekarya, patut kerawuhin tedun saha ayah manut daging dedawuhan wiadin siaran.
3. Petedunan ring Desa mangda seregep saha busana Adat manut pekaryane.
4. Tengeran kapancabaya, patut kotedunin ring sehanan ayahan lanang miwah truna, saha gegawan anut ring kawentenang baya inucap.

INDIK DRUWEN DESA

Pawos 24.

Kawentenang druwen desa Adat Tebebolong Tembuku Kaja manut kadi ring sor :

1. Wewangunan luirnya :

a.

a. Wewangunan suoi, minakadi Parhyangan-Parhyangan, Panyiwian Desa

Adat jangkop pratima saha nerana upacara.

b. Gelebeg, Bale Kulkul, miwah sane lian-lianan.

2. Gong Abarung.

3. Tanah laba Pura makadi : Carik, sikut. Tegal sikut. Saha tanem
tumbuh kelapa sikut. Gengkeh sikut.

4. Betra apalabahan.

5. Artha-brana sangkaning turunan, pedana punia, miwah sane seos.

Pawon 25.

1. Upon-upon laba Pura nenten kebagi.

2. Kawigunan upon-upon laba Pura kadi ring ajong, wantah moangge ngopahayu
Parhyangan Desa miwah Yadnya-yadnya pongsai saha kerti yasa seosan.

3. Bendesa Adat lan Prajuru wonang ngenterang padruwon Desa saha kosiarang
satunggil paruman melanturan untuk ilikita pastika.

SUKERTA MANITEGAP KARANG,

TEGAL LAN CARIK

Pawon 26.

1. Karang Desa sane kegenahin paumahan soang-soang krama Desa manut dresta
wantah paweweh saking desa Adat pinaka oihna wala ayah marep ring Parhayangan
Desa.

2. Sehanan karang paumahan sane inuap ring ajeng patut :

a. Pastika wenten wates-wates ipun.

b. PamesuanNya kerurung utawi kemargine (tan wenten kebebeng).

3. Yan paumahan ring penegalan, kautsahayang mangda patch kawentenannya kadi
inuap ring ajeng, sane majepitan patut ngewetuang margi kerurunge sane pi-
nih nampek.

Pawon 27.

1. Sehanan krama ngewatesin karangnyane soang-soang mangda wida trepti nyatur
Desa.

2. Wates karang, tegal, sane majepitan patut kategen olih pawongane sane diulua
tur wates inuap manut dresta, yan carik manut dresta wantah megalang ketebel
(kelod utawi kanh).

3. Taru miwah olah-olahan sane maurip jeroning wates, kepatutang :

a. Yan stih sinunggil nandur tanem tumbuh sane paeang mawoh utawi sampu
ngasilang, hasilnyane mebagi dados Balih, nanging witnyane kadruwe
ring sang nandur.

b. Yan wenten tanem tumbuh sane paeang ngerawuhang pengasilan sangkaning
jangg miltumbuh nwek, punika patut kadruwe sareng Balih.

Pawon 28.

1. Tanem tuwah, totanduran selcoluire miwah ngangge tanah pekarangan, tan wenang ngarereb/nahungin sane ngawinang peool utawi ngoletihin karang penyanding.
2. Tanem tuwah tahunan tan wenang ketendur ring genah penyanding sikut karang paumahan sajaba ring telajakan (toba).
3. Yan wenten pekarangan desa sane acutak dibagi dados kalih utawi langkung sang nanggap karang inuwap patut sarong ngayahang karang.

Pawon 29.

1. Tan ketengah nanan wiadin nunjel sawa utawi pengawak sawa ring sejeroning pekarangan Desa.
2. Tan wenang makta miwah ngenahang barang sane ngoletihin ring sejeroning pekarangan, bilih-bilih yan keleteshanne ngolantur sinanggeh ngalimak ngoletihin Desa manut Agama.
3. Tan wenang masang emper-emper, sungga ring jeroning pekarangan, carik miwah tegal.

WEWALUNGAN

Pawon 30.

1. Behunan warga Desa sane miara suluire wewalungan patut sayaga nitonin negul miwah ngandagin mangda tan wenten ngerusak pekarangan utawi abian anak sesoran bilih-bilih mangda nenten ngeranayang ngoletihin kahyangan.
2. Taler sang madruwe karang paumahan, parhyangan utawi totanduran, patut nembok/mopagehan prade sida trepti nyatur desa.
3. Yan wenten wewalungan ngoleb tur ngeranjing jeroning pekarangan, pabianan - anak sesoran, sang keranjingan patut malungguhang ring sang madruwe wewalungan.
4. Bilih-bilih yan asasih jantos ping tiga, malungguhang, wewalungan inuwap patut ketabani.
5. Tata cara naban wewalungan luire :
 - a. Sang naban patut matur uningge ring Bendesa Adat lan Prajuru Adat.
 - b. Atur upeksa sangguhing karusakannya.
 - c. Wewalungan sane ketaban patut ketabus olih sang madruwe.
 - d. Agung alit penabuhnya manut patuwuh Prajuru, kedadungang ring danda manut korusakannya.
 - e. Wewalungan patut kadruwe olih sang naban, yaning :
 - Tan wenten sane mapariangken.
 - Yan jeroning asasih ping tiga keniketaban tur melarepan kebebasan Bendesa Adat lan Prajuru.
6. Ring abianan pekarangan tan wenang mepasang sungga, racun, prade kelaksanayang melarapan maka penangkan baya ring beburon lisnan mekadi landak, lubak miwah sane siosan, sang masang sungga, racun patut mapiorah ring penyandir nya tur masang sawah.
7. Prade wenten wewalungan ngoleb ngeranjing ring kahyangan sang madruwe wenang kasisipang mabuat danda prabeyaning upakara Pemarisuda.

B H A Y A

Pawos 31.

1. Basakaning bhaya wenten sinanggeh Panoa Bhaya luiro :
 - a. Jiwa bhaya
 - b. Hartha bhaya
 - c. Geni bhaya
 - d. Pelegandangan pemerkas
 - e. Durasa ring Agama.
2. Sinalih tunggil warga desa sane kepanggih ring kawenten-jadma lumaksana dusta utawi kehanan bhaya pati patut atur uning ring Prajuru Desa utawi kewan Dina nepak kulkul mapitulung.
3. Warga desa sane kicalan utawi hartha bhaya tur pacang maseserep patut nunas pitutuh ring Bendesa Apat lan Prajuru.

Pawos 32.

1. Soang-soang warga desa sane polih nuduk barang sawengkoning desa Adat Tebebelong Tembuku Kaja patut atur upeka ring Bendesa Adat lan Prajuru.
2. Sang pariangken patut nyihnayang mungguhing punika wantah padruwenNya.
3. Parde jantos asasih laminnya tur sampun kejarwakang ring ajeng paruman krama Desa, taler nenten wenten sane mariangken, barang inucap sane keduduk kadruwo olin nang muduk.

BAB IV

SUKERTAN TATAN AGAMA

INDIK DEWA YADNYA

Pawos 33.

1. Parhyangan penyivian Desa Adat Tebebelong Tembuku Kaja luiirnya :
 - a. Kahyangan Desa, Pamakan mekadi : Pura Pusak, Pelinggil Bhutara Tirtha, Kapil, Pura Agung, Sakenan, Gumaang, Puseh, Penataran, Baleagung, Dalem.
 - b. Sojeroning Kahyangan Desa Adat, krama-krama sane meduwe/ ngayehang subak / subak tegal, Dalem Masoeti, polih ayahan nyuok saking Desa Adat
2. Pongaci ring Pura Kahyangan Desa kesangra Desa Adat Tebebelong Tembuku Kaja : Nasta, Madia, Utama, Rinacana, olin Jero Kebayan lan Prajuru manut Dresta.

Pawos 34.

1. Prajuru patut nuntun ngenterang krama Desane ngemanggehang kesucian Kahyangan inucap.
2. Basakan letuh cendala sane tan kewenangang ngeranjing ring Kahyangan Desa luiirnya :
 - a. Jadma sebel, anak istri campur manut sengker tigang rahina, jadma istri meduwe oka, manut sengker asasih pitung rahina, yan karuron, manut sengker roras rahina, yan madruwe oka buncing, sebel Desa manut sengker asasih pitu rahina (42 hari), sedurung kemargiang pesadian oleh DesanNya, Sang medruw

ang eka tan kewenang nejeroning pekarangan, wiadin dura desa Adat Tebebelong Tembuku Kaja gumentes asasih pitung rahina (42) dina / akambuhan.

b. Jasma patita : panak babinyat, jasma beling tan sinagkaran. jasma memitra ngalang, jasma sakit ila, jasma buduh, tan wenang ngeranjing ke Pura Kahyangan, sedurung kaprayascita manut Agama.

c. Sangkaning padem, kesebelan desa :

- padem anak alit damuh/ kari ngatut pungsed, asasih pitung rahina ngawit menden.
- padem biasa, roras rahina ngawit menden wiadin ngawit ngurug.
- padem ngadut manik, roras rahina ngawit menden/ngurug.
- padem salah pati/ngulah pati, manut penugrahan siwa/Parisada, yan manut dresta kesebelang roras rahina ngawit menden/ngurug.
- Krama desa padem biasa tur kaupakara ngaben kesebelang manut sengkita tigang rahina.
- padem tatkala pacang wali ring Parhyangan, yang sampun krama Desa tedun "Nyuci" Desa nenten sebel nanging sang madruwa kepadaman, pengapit, miwah penumbak sane keni sebelan.
- sehanan barang sane sinanggeh letuh manut ring Agama upami : tawar, gotih, bok, wiwitan watangan, layudan pitra yadnya, miwah sehanan cendala seosan.

3. Ring jeroning karang Parhyangan tan wenang melaksana sane kapianggeh ngelabuhan, upami :

- a. Memisuh, kalih wak parusya seosan, yaming kapi reng wenang kanin prebaya prayascita caru manca sata.
- b. Mejal-jal miwah kroda, bilih jantes kanin metu rah, sang balak-sana kanin prebaya pamarisuda pangresiganan walik sumpah.
- c. Dyasta karma.
- d. Ring Jerean Pura tan wenang macecepin anak alit wiadin manahin wastra, sang mamurug wenang danda pamarisudan.

Pawes 35.

1. Kramane sane manggih utawi uning ring kowentenan jasma sane kaucap ngelabuhan Kahyangan, patut atur uning ring Bendesa Adat lan Prajura.
2. Yan tan masedek, sangkaning sinanggeh saruren ring cerah.

Pawes 36.

1. Dewa Yadnya nejeroning Kahyangan Desa Adat Tebebelong Tembuku Kaja, indik pemargi sekala ketuntun olih Bendesa Adat lan Prajura, masinggih dane Jero Kebayan-Jero Kebayan.
2. Jero Kebayan-Jero Kebayan Kahyangan Desa, keadegang melarapan nuhur ring luhur.
3.

3. Ngadegang wiadin ngawintenin miwah malebonan Jero Kebayan-Jero Kebayan Kahyangan Desa, prabeya upacara kesanggra antuk Krama Desa arep, tur ayahan ngantos puput upacaranNya kesanggra antuk Banjar patas.
4. Mungging penyangran Desa ritatkala melebonang dane Jero Kebayan-Jero Kebayan Kahyangan Desa, kesanggra sesampun munggah ring Bala, sedurung punika kanton kesanggra antuk waris dane.
5. Prajuru tan maren nureksa nitenin dane Jero Kebayan-Jero Kebayan, mangia - rajeg nganutin sesanNya prade tegog kemuciannya, saha kepastikayang olih-olihan.

Pawos 37.

Jero Kebayan kagentosin riantukan sésda utawi kesusnang.
Yaning kerariyanang Jero Kebayan Kahyangan/Desa, mejaksan antuk pamutus paru - man Krama Desa Adat, tur kelaksanayang yan sampun pastika sudasan dane. Lan

Pawos 38.

1. Kahyangan penyilwi pemaksan-pemaksan sesan tata cara ngantiti kasuciannya patut seolean ring Kahyangan-Kahyangan Desane.
2. Manut kadi ring ajeng, prelingga pemaksan inuap sakeng ayatan patut sanareng an rikalaning samua pangusahaan Ageng, miwah penunasan manut dresta.

Pawos 39.

1. Olih-olihan Jero Kebayan Kahyangan Desa luire :
 - a. Bukti berupa carik agukat, upon-uponnyane memungkul.
 - b. Surudan ring pejenengan wiadin suoi penganteb.
 - c. Pejati utenga sakeng pengerawahan.
2. Laput ayah, bilih-bilih ring penyanggran kepadaman warga desa.
3. Mungging bukti sane berupa carik, sedurung Jero Kebayan inuap kagentosin, upon-upon bukti inuap kanton kesanggra olih waris dane, sejawaning sane kesusnang sesampun amasa kepiyak ring krama Desa Adat.

INDIK RESI YADNYA.

Pawos 40.

1. Yaning paoang nangun yadnya kawikon/guru loka, patut munas panugrahan ring sang rumawos (Parisada) tur mesadok ring Bendesa Adat lan Prajuru Desa.
2. Bendesa Adat lan Prajuru Desa patut sareng nureksa nitenin mangda sulur kalih pemargine manut kecaping Agama, makadi keodasangga, ceda budhi, (riwayat hidup) sane sareng ring pemargi.
3. Bendesa Adat lan Prajuru patut matur uning ring sang rumawos prade wenten indik-indik sane durung tatas, kadulurin antuk oihna manut ring tri Premana.
4. Sesampun puput, Bendesa Adat lan Prajuru patut digelis ngentosih parab sang kedikas ring mehanan ilikite antuk bisaka kawikon, manut panugrahan nabanNya saha kejurwakang ring ajeng paruman Desa Adat.

INDIK LITRA YADNYA.

Rawos 41.

1. Yan picing atawa-tiwa, mendem sawa (nganggen setra / tunen / sama) mangda polih kebebasan ring Bendesa Adat lan Prajuru.
2. Sang atawa-tiwa/mendem sadurunge patut metatimbang ring Bendesa Adat lan Prajuru gumentos polih penugrahan ring sang sadaka/Bendesa Adat.
3. Sang atawa-tiwa/mendem ring setra , manut dresta mulu kangin wiadin kaler.
4. Bacalan dewasa sane tan wonten komargiang (ring Desa Adat Tebebolong Tembuku Kaja) larangan komargi manan/atian - tiwa :
 - a. Nuju wuku piodalan rin, kahyangan Desa.
 - b. Tapkala Ida Bhatara Kahyangan Desa kanton nyejer.
 - c. Mawah sane manut penugrahan sang rumawas/sang sadaka.
5. Rawongan Desa patut nitenin mangda sehanan letuha ring setra nenten melalah utawi kebakta ke Desa pekramin, wiadin ke Kahyangan.
6. Yan sawa sane kependem/ketunjel punika boyo sawa warga Desa Tebebolong Tembuku Kaja, sang melaksana patut nur pemanjung batu mibuat manut keputusan paruman krama Desa/Banjar mawah yadnya sewosan.
7. Yaning wonten watangan/ sawa sampun mependem ring setra Desa Adat Tebebolong Tembuku Kaja, kapakara sewos Adat ring Tebebolong Tembuku Kaja patut kamin patih kadi ring ajeng, nanging tan polih patus sakewanten peteduman polih kadi patut
8. Yan wonten warga Desa makta awak-awakan sawa kekarang Desa, sang melaksana patut ngaturang pesapuh-sapuh ring Pura Dalem maduluran banten pengerebuan, perayascita burmeanggala.

Rawos 42.

1. Bendesa Adat lan Prajuru patut nitenin tur nuntun mangda yadnya punika tinas , tan santul kasukertaning Desa, pamakas tan timpang ring kasucianing Desa mawah Kahyangan.
2. Pekaryan ngupakara sawa rawuh atawa-tiwa patut kasukserahang ring Desa/Banjar.
3. Macdon sane kesanggua antuk Desa/Banjar :
 - a. Yan pemargine mendem (ngurug).
 - gotong royong apisan, benjang mendem (ngurug).
 - nenten polih pesangu.
 - mapatus sandi tengah kila.
 - ngupakara sawa silihng mersihin ngantos mendem/ngurug ring setra.
 - b. Yan pemargine ngaben/pelabon madak (Nyawa swasta) :
 - gotong royong ping tiga (3 X), patus akila, nanging ring rahina pengutanganne Banjar lanang-istri rawuh roban gong polih pesangu apisan.
 - ngupakara sawa ngawit mersihin ngantos puput nganyut.
 - c. Yan pemargine ngaben/pelabon nuasa (perorangan) :
 - Peteduman ping tiga (3 hari) lanang - istri.
 - Patas 2 kg. tiling akatih, kalabang akuub, saung apesel, don alopit.
 - ngupakara ngawit mersihin, ngantos puput nganyut.
 - Krama Banjar lanang-istri polih pesangu ritatkala ngayuh ping kalih ,

- ring tapkala pengutangan ping kalih.
- Gong kanin batu-batu Banten asoroh , jinah belong 500 keteng
 - Gong kanin batu-batu Rp. 2.500,- polih pesangu 2 X.

INDIK MANUSA YADNYA.

Pawos 43.

1. Manusa yadnya tetujonnyane merayascita sehanan karegadan jadm warga Desa sekala nislakala, antuk sangaskara ngawit saking lara jeroning garba ngelantur ring panemayu patihnya riwokes.
2. Pemargin Manusa yadnya : yaning pengambil wibuh, kengin talar munas penyanggrai Desa/Banjar sejeroning pemargin peratongan malarapan undangan ring Desa/Banjar.

INDIK BHUTA YADNYA.

Pawos 44.

1. Bhuta yadnya sejeroning Desa Adat Tebebolong Tembuku Kaja, matatusuk merayascita Desa Adat miwah maweh labalin ring sarwa Bhuta Kala mangda tan ngawetuang Bhuta krama.
2. Jero Kebayan Kahyangan Desa, pamakas dane Jero Kebayan Kahyangan Pura Dalam patut ngarincikang pemargi Bhuta yadnya manut sasih sajeroning Desa Adat Tebebolong Tembuku Kaja.
3. Pemargin Bhuta yadnya manuting pitutuh saking Parisadha.

Pawos 45

1. Yan wenten cilma kadurmanggala jagat, Jero Kebayan Kahyangan Desa sareng ring Bendesa Adat lan Prajuru mangda gelis ngutsahayang Pamarisuda nunasang ring samu rumawos (Parisadha).
2. Upacara miwah brataning Penyepian talar patut kabajegang, tur katentun/kedadab antuk Bendesa Adat lan Prajuru mangdene sida trepti ring brata.
3. Yan wenten warga Desa sane ngelanggar diastun ipun yusa alit , warga inucap kanin danda adat merupa adeng abungkul (1 butir) maur ritatkala wali ring Kahyangan Desa.

S A R G A : V.

SURENTA TATA PAWONGHAN .

Pawos 46.

INDIK PAWIWAHAN :

1. Pawiwahan sejeroning Desa Adat Tebebolong Tembuku Kaja patut :
 - a. Tan lepas ring uger-uger utawi peraturan lan perundang-undangan Pemo - rintah.
 - b. Tan lepas ring kecaping Agama.
 - c. Kaupakara manut dresta lan Agama.

- d. Atur pawelas ring Bendesa Adat lan Prajuru.
 - e. Kesaksinin antuk Bendesa Adat lan Prajuru, saba tengeran suiran kul-kul maha cirdi puput minut adat
2. Pawiwahan patut kawangdeang, sawetning tan manut ring daging awig-awig inucap sane kemanggeling ring Desa Adat Tebebelong Tembuku Kaja.

lawon 47.

1. Indik ngerorod kepastihayang patut madasar sutresnanding deha trima, manut dresta.
2. Yan pemargine memutub, sang menampi lan sang melaksana ngelampahin polih po - sayuban Bendesa Adat lan Prajuru.
3. Pasangan miwah sane menampi pasangan punika, mangda digelis atur uninga ring Bendesa Adat lan Prajuru, ngeraris ke Prebekel.
4. Bendesa Adat lan Prajuru miwah Prebekel patut nitenin kebuktian pasangan inucap indik sane manut tan manut dresta.
5. Yan pelaksana pemarginnya tan manut ring dresta, pasangan inucap kasukserah ring sang rumawas (Pemerintah).
6. Sang pernah warung kengin maseserep ring genahnyane mengkeb tur ketuntun olah Bendesa Adat lan Prajuru.
7. Bendesa Adat lan Prajuru mangda ngutsahayang sang maseserep polih nyepukang rawos ring pasangan inucap pamakas ring dane deha.
8. Yan maseserep tan kedadosang muktas senjata tur nenten kepututang langkung ring tigang diri miwah tan dados nyepukang rawos sane ngawirang kayun tan becik/ kadukitan.
9. Ramidanda sane laliwakang yang tan manut pemargi :
 - a. Pasangan inucap kepasahang.
 - b. Sang melaksana, danda manut perarem krama Desa Adat.
 - c. Sang menampi kasungguh saruron ring corah kedanda sepatutnya.
10. Muputang upacara Peprudangan/Pawiwahan sejeroning Desa Adat Tebebelong Tembuku Kaja sakeng jam tiga sore (15.00 WIB) ngantos presida puput.
11. Upacara muputang Peprudangan/Pawiwahan sejeroning Desa Adat Tebebelong Tembuku Kaja luire :
 - banten pejati, rayunan ajuman, segehan malit limang tanding.
 - sajeng rateng, sajeng antah.
 - lokesan, lanyuran, sumping, bantal.
 - jinah belong duang tali limangatus , dados katuku antuk jinah kertas manut daging perarem.

INDIK PAJAS MERABI

Lawos 48.

1. Krama Desa Adat sana palas alaki-rabi patut masadok ring ajeng Bendesa Adat lan Prajuru midartayang indik :
 - a. Sular isang patut sana ngawining ipun palas.
 - b. Saha luir kelanan rilale palas.
 - c. Sesular pamut pamargin palas.
2. Trade sane kasadokang durung kepatutang pamargin palas, Bendesa Adat lan Prajuru, patut nuntun margda sesular palase kepuputang rilin ring sang rumawos.
3. Nisaupun katapasin pastika palas alaki-arabi olih sang patut sang rumawos, sadra-ladi Pengadilan, pamargin ring Desa Adat patut mapejati tur saha ngelung jirah belong ring jaba Pura Desa, kapuput antuk dano Jero Kebayan kaupesaksi antuk sang andruwa kepatutan lanang sadra Istri, tur upasaksi Bendesa Adat lan Prajuru tur kejarwalang olih I Bendesa Adat ring I Krama Desa.
4. Yen sampun palas alaki - arabi, nanging mawali jangkep merabi, kala warga luu-cap patut ngaturang pesapuh-sapuh ring Pura Balo Agung.

INDIK SENTANA

Lawos 49.

1. Warga Desa sane pacang ngidih sentana patut ngamingang ring Bendesa Adat lan Prajuru Desa, sasah sedurung ngemargiang Upakara.
2. Kulawarga purasa sang syat ngidih lan sang nyentana, patut sinrangang ngerawuhin Bendesa Adat lan Prajuru Desa cihna radungan.
3. Sane meraba keberatan, sanistandya masengker awuku margda ngerawuhin nunas bawos ring Bendesa Adat lan Prajuru Desa..
4. Bendesa Adat lan Prajuru Desa raris nyarwalang ring Banjar Kawentenan mangguhing sentana luucap.
5. Bendesa Adat lan Prajuru Desa margda gelis mawosin saha mlayang pidabdab mihak dresta sane sowosan.
6. Nanging pidabdab ring ajeng tan ketinutin, sang merasa keberatan dados ngelantur-ang pamargin nunas pamut ring sang rumawos.
7. Sedurung pamut ladi ring ajeng kepatutang, pamargin upakara ngidih sentana tan menang kelanturang.
8. Yen sular upakara sampun katinutin, Bendesa Adat lan Prajuru Desa menang niva-lang pasayuban tur nodyaning mihak cilna saksi utama.
9. Wus nupakara, Bendesa Adat lan Prajuru Desa gelis nyuratin ilikita mihak kejar-wak ring ajeng paruman Desa.
10. Kala ngunggahing ilikita patut pastika ring kawentenan brana luir sane sinanggih waris bukti (Pemorasan).

I N D I K T E T A M I A H.

Bawos 50.

1. Sane sinanggeli tetandan manut kadi ring sor :
 - a. Tetandan teka - luas, inggih punika bacakan barang - barang sane sida adol atuku, manut kadi bacakan puniki taler wenten merupa utang-piutang.
 - b. Tetandan suci, mika cilma wewangunan suci turun-temurun tan wenang - adol atuku, meladi Parhyangan.
 - c. Tetandan a jadra, meladi pemargin penaur Tri Rna.
2. Sang metetandan , punika sang ninggal tetandan.
3. Sang nani , punika sang nerima tetandan.

Bawos 51.

1. Tata sulur tani tinami patut nganutin kadi ring sor :
 - a. Sang nani/ terima tetandan teka luas, miwah tetandan suci.
 - b. Naur tetandan a jadra antuk pelaksanayan Panca Yadnya.
 - c. Sang ninggal Agama Hindu tan wenang nerima bacakan tetandan kadi kawentenanne ring a jeng.
2. Tata sulur tani tinami miwah pemargin sane durung kaguwet ring daging awig-awig puniki pemarginnya manut dresta.

SABGA : VI

I N D I K W I C A R A.

Bawos 52.

1. Sane wenang mawosin meladi nyapsap wicara ring desa, luire :
Bendesa Adat lan Prajuru Desa, miwah kelian Dinas, pari indik mreptiang so-
jebag Desa Adat Tebebolong Tembuk Kaja.
2. Daging wicara sane tempal / linyok ring kawentenan awig-awig, Prarem, Pasuara-
Desa, wenang Bendesa Adat lan Prajuru Desa nguwehin pamutus manut daging awig-
awig.
3. Yang wicara tan prasida puput ring a jeng Bendesa Adat lan Prajuru Desa wenang
nunas pamutus ring sang rumawos.

Bawos 53.

1. Wicara patungkas ring awig-awig, patut digelis ketepasin jantes pastika mejan-
ten iwang-patut melarapan bukti saksi miwah ilikita.
2. Pamutus wicara mangda melarapan tetujon ngupadi :
 - a. Mangda krama Desa sayan pastika uning ring wewates iwang -patut.
 - b. Sane kaplanggeli kawon mangda uning ring kawiwangannya.
 - c. Nicalang bibit pekayun mamusuh - musuh.

Pawon 54.

1. Pamutus wicara mejalaran tungkas ring awig-awig patut kausahayang mangda polih pamutus ring paruman / Prarom.
2. Wicara sane katiwakin pamutus antuk paruman / prarem sinanggeh pamutus pastika, patut kerajegang, kapikukuhin antuk warga Krama Desa sami.
3. Bendesa Adat lan Prajuru Desa patut nunasang pematut ring sang rumawos, prade wenten pawongan amandal ring pamutusanya bilih-bilih yan punika ngeranayang kasukertan Desa.

I N D I K P A M I D A N D A

Pawon 55.

1. Baoakan pamidanda luire :
 - a. Ayahan panukun kasisipang.
 - b. Danda harta miwah panikel saha panikel urunan.
 - c. Kerampag manut dresta.
 - d. Upakara penyangaskaran , pemerayasoita.
 - e. Kanoroyang/kararienang mekrama.
2. Pamindanda patedunan :

Pamidanda saluiring patedunan krama lenang istri gung arta manut pamutus paruman Desa Adat, sekadi sinurat ring lampiran awig-awig puniki.
3. Paniwak inuwap mageng-alit , manut kasisipane patut sa eloan ring gaguwet sajo - roning awig-awig, dresta miwah Perarem tan maren ngupadi dharma, kawelas arsan pinih ajeng maka pabuat ka sudamalan Desa.
4. Daging pamidanda kadruwe antuk Desa Adat.

Pawon 56.

1. Krama sane langkung ring tigang sasih amandal utawi negengin urunan miwah tan naur gibungan dedandan, wonang kerampag.
2. Tata cara ngerampag mesulur kadi ring sor :
 - a. Kelaksanayang olih krama tur keanter antuk Bendesa Adat lan Prajuru Desa
 - b. Sang kerampag tan dados ngalangin, saha tan maren sarong nyaksinin pemur Kramane ngerampag.
 - c. Barang-barang sane kerampag mapengarga manut agung alit utangnyane ring Desa.
 - d. Yaning tan wenten padruwenan apun marupa barang, dados tuler nyawenin tanem tuwuh.
 - e. Barang rampagan punika mewaneng 9 (siya) rahina patut ketebus, yan tan metebus benjangne paoang kelolang.
 - f. Jinah lelangane langkungan ring utangnyane, kewaliang ring sang madruwe barang.
3. Barang-barang sane tan wenang rampag luire :
 - a. Sane sianggeh suci.
 - b. Sane ngranayang ioal oihna kemanusan.
 - c. Sane ngranayang padem pangupajiwanyane.

SARQA : VII

Pawos 57.

Awig-awig Desa Adat Tebebolong Tembuku Kaja puniki sida kawowehin malih antuk perarem Desa maka pamutusang paruman krama sane kasungkemin antuk patedunon Krama Desa langkung ring ateng.

Pamutusang Krama Desa sajeroning paruman madruwa wewenang ngawowehin wiyadin ngirangin awig-awig.

Pawos 58.

Awig-awig puniki sampun kawowehin gaguwet-gaguwet pinaka daging perarem-perarem pamatus paruman-paruman Desa Adat Tebebolong Tembuku Kaja.

Maka winteng gaguwet-gaguwet saha daging suksenaning awig-awig puniki wantah ketas sakeng dresta Desa Adat nguni, sane sampun kasungkemin ring Desa Adat Tebebolong Tembuku Kaja.

Pengowuh tatwangan sasulur panyuratan awig-awig puniki masesuluh ring imba awig-awig, papupulan pakeling saha katuntun olih Badan Pelaksana Pembinaan - Lembaga Adat Kabupaten Daerah Tingkat II Bangli.

SARQA : VIII

P A M U P U T.

Pawos 59.

1. Awig-awig puniki Awig-awig Desa Adat Tebebolong Tembuku Kaja.
2. Awig-awig puniki kemargiang ngawit keraremin .
3. Sakeluwiring sane wenten sedurungnya patut keanutang ring sedaging Awig - awig puniki.
4. Sehanan sane durung gaguwet ring Awig-awig puniki kanton manggeh kasungkemin oihna kerta , dresta miwah perarem-perarem ring Desa Adat Tebebolong - Tembuku Kaja.

Pawos 60.

1. Awig-awig puniki kalingga tanganin (ditanda tangani) antuk Bendesa Adat - Tebebolong Tembuku Kaja, miwah penyarikan (Sekretaris) Desa Adat Tebebolong Tembuku Kaja, saha kasaksinin antuk Perebekel Desa Tembuku, Camat Tembuku, rawuh katur ring Bapak Bupati Kepala Daerah Tingkat II Bangli pinaka murda pamikukuh.-
2. Sang ngalingga tanganin (Yang menanda tangani).

Bendesa Adat
Tebebolong Tembuku Kaja ,

Penyarikan (Sekretaris)
Desa Adat Tebebolong Tembuku Kaja,

(Jare Wayan Tagel).-

(I Ketut Sira).-

S A K S I - S A K S I :

1. Perbekel Desa Tembuku ,

2. Camat Tembuku ,

(A. A. Gede Oka Winaya)-

(I Made Suandhi BA)-
NIP. 600005128.

LAMPIRAN AWIG - AWIG
DESA ADAT TEBEBOLONG TEMBUKU KAJA
INDIK PAMIDANDA PETEDUNAN

1. Potedunan Biasa :

Yan lanangno	:	Rp. 100,-	(Satus rupiah)
Yan istrino	:	Rp. 100,-	(Satus rupiah)
Yan Roban Gong	:	Rp. 100,-	(Satus rupiah)
Teruna -- Teruni	:	Rp. 50,-	(Seket rupiah)

2. Potedunan Mokemit :

- Ritatkala karya ring Kahyangan Desa : Prajuru Desa Rp. 100,- (satus-rupiah), nanging yan sampun wenten sinalih tunggil sane tedun, nenten kemargiang danda.
- Sane sowasan ring Prajuru Desa inuwap pemargin pamidanda Rp. 100,- (satus rupiah).
- Potedunan mokemit ngerahina krama Desa Rp. 100,- (satus rupiah) nanging yan nampi nenten tedun Rp. 200,- (satak rupiah).

3. Potedunan Ngebagan : Rp. 200,- (satak rupiah).

Pemargin Pamidanda inuwap ring ajeng, yan sampun sinanggeh tan manut ring ka - wentenan jaman , wenteng kawitin mangda manut perarem.-